



職方典第一千二十卷

嚴州府部彙考四

嚴州府祠廟考

府志

本府

建德縣郭附

社稷壇在府城武定門外一里接前志舊在城西南二里宋宣和三年移置城西北一里明洪武初改建於舊州學基卽今地也 風雲雷雨山川壇在府城南澄清門外隔江距城二里

明洪武二年始命於城南創立二壇一爲風雲雷雨一爲山川八年合二壇爲一 郡屬壇

在府城北拱辰門外一里 里社壇在各鄉共八十六處明洪武八年建 鄉屬壇在各

鄉共八十六處明洪武六年每里爲一壇於里社壇之右 城隍廟在府子城內始宋景定

間建賜額靈應明遷建安山麓後革舊號稱嚴州府城隍之神 廣濟廟在府城北二里拱

辰門外 三官廟三一在城之中耆民楊池等市茶走齊東歸途夢建遂各捐貲首倡一在

城隍廟之西一在郡東五里之北高峯嘉靖四十五年創建 元壇廟在元妙觀東首先是

郡山居者多虎患因建廟於此

宣靈廟在三元坊祀周宣靈廣平王

五顯廟向在太

平橋上西首明萬曆二十年因通東西二湖改於太平橋下

靈順廟在府城南輯睦坊北

卽招商神祠

關王廟在興仁門內明洪武年間合郡軍民建

七總管廟在布政分司

內西偏

順濟廟在縣東東山之上舊名雨港龍王廟蓋祀新安東陽二港之神也

靈

順廟在縣南一里地名天子隴俗稱爲倪祖夫人姓陳諱叔英建德人幼適同郡隱士倪可耕生子惇婦化氏年十八而贅居與子婦俱有神術梁大同中侯景亂軍士方困暑渴無屢焉逢一嫗一樵攜一熟水瓶令士伍傾飲不竭復遺以草履使均躡之逡巡鼓風無蹤諸軍驚駭梁武帝聞其事乃新安郡南傭民倪氏母子時已逝矣遂立祠以祀

蔣山明帝府君廟在縣

南諱子文姓蔣氏本廟在金陵之鍾山此特其行祠耳

龍王廟二一在縣西建蒼山上一

在西湖壩上

華光廟在縣西四里土橋

東嶽廟二一在縣西五里地名唐浦歲久傾

圯明正統九年知府黃澍重建一在東門外萬曆二十五年知府黃功懋因建躍龍亭復於亭前上首又建一廟

鎮寧侯廟在縣東五里

烏石廟在縣東十五里乃烏龍山行祠也

翊忠侯廟在縣西地名靖林

威濟廟在縣西二十里晉潭嶺

開國侯廟在縣東南十

里地名公村

羊太傅廟在縣東南二十里地名和村

徐王廟在縣東南十里地名公

村

馬目廟在縣西三十里晉潭之上

廣福廟在縣南四十里謝浦杭州蔣相公行祠

也

將軍廟在縣南四十五里將軍巖相傳裴謝二將軍爲神於此鄉人祀之

保安廟

在縣西四十里楓樹嶺麓

英烈王廟在縣北四十五里晉嶺

陳司徒廟在縣西六十

里銅官山

陳侯公廟在縣東北六十里安仁山

平水廟在縣東北六十一里芝山東

麓

湖山廟在縣西七十里聖湖之南

玉皇廟在郡東五里北高峯山上明隆慶元年

建

真武廟在縣東五里二高峯之上明萬曆四年同知林傑建

土地祠在府治儀門

內西舊名毬場廟

嚴陵祠舊在城東報恩寺西明嘉靖間知府吳世澤建萬曆二十三年

知府陳經濟改建於建安山麓

三先生祠卽思范亭內祠也祀范仲淹張栻呂祖謙

二太守祠在北高峯祀前守楊守仁鄭銳

任公祠郡人祀梁太守任昉舊志在城南今改

建和豐倉前

朱太守祠在縣西五十里祀太守朱買臣

梓潼真君行祠舊在府城內

後廢明萬曆四年建於二高峯 蔣山神祠在縣西一十二里黛潭相傳卽金陵蔣山神也

明洪武五年建 烏龍行祠在縣西七十里 羊亭祠在縣西南八十五里其神卽晉太

傅羊祜

淳安縣

社稷壇在縣西察院後明洪武八年知縣李信建 風雲雷雨山川壇在縣南一里南山頂

明洪武二年建成化十二年知縣汪貴移上善觀之前 邑屬壇在縣西北轉教寺後明洪

武六年建 里社壇在各鄉共九十三處 鄉屬壇在各鄉共九十三處以上二壇並廢

城隍廟在縣東南真應廟後明正統十三年縣丞沈宗賢建 東嶽廟在縣東南 五顯

廟在縣後堂右明萬曆五年重修 五靈王廟在縣東南城隍廟左 忠助廟在縣西一

名忠濟侯祠 三皇廟舊在青溪南元徙縣西一里吳元年徙縣西隅今廢 山陰侯廟

一在縣西一在縣東 真應廟在縣學東南祀漢方儲 孚惠廟在縣東六十里一名何

侍郎廟舊在安樂鄉 靈祐廟在縣東一百里 英烈項王廟在縣東南五十里安福鄉

烏江項王行祠也

英烈錢王廟在縣西七十里永平鄉祀宋錢魯

洪仁廣信王廟在

縣西北六十里永平鄉

烏龍王廟一在縣東七十里清平鄉尋鳳里一在縣東五十里太

平鄉廟有碑大中祥符間所刻一在縣西七十里永平鄉蜀阜名廣濟行祠祀唐邵仁

靈

惠廟在縣東七十里

王押衙廟在安樂鄉

元壇廟在縣西六十五里永平鄉蜀阜明

洪武中建

吳泰伯祠在縣東三十五里太平鄉雲坡

徐偃王祠在縣西八十里湖頭

方仙翁祠在縣東四十里桃源

靈順侯祠在縣東卽東廟也

賀太守祠在縣西北六

十里一名賀將軍祠

唐靜樂先生祠在縣東北五十里

蛟峯先生祠在縣東北五里

石峽書院內

夏相公祠在縣南三十里世傳爲神禹之後

陳明府祠在縣東三十里

進賢鄉屏風嶺

廣惠行祠在縣之南宋嘉定中知縣應與權建

朱府君祠在縣西七

里西洲之上

宋相公祠在縣東五十里

海公祠在縣治西察院左明萬曆五年建

桐廬縣

社稷壇在縣西一里舊在圓山之西宋縣令劉臣營建豐亭於其上後人以登陟頗艱遷於縣

西八十步元豐永復移置圓通寺之東卽今處也

風雲雷雨山川壇在大江南岸去縣三

里 邑厲壇在縣東

里社壇每里一所規制與府同

鄉厲壇每里一所緣以土垣

而不屋與邑厲壇同今各鄉俱廢惟孝泉鄉存壇基二畝在雙桂橋北

城隍廟在縣治北

一百五十步據安樂山之第二峯縣以安樂爲主山而此峯又其龍脈所聚也故建廟於此

徐將軍廟在縣治東廊下有德於民故祀之

東嶽廟有二一在紫霄觀之側宋政和間建

後燬靈一法師復鼎新廟制後經洪水復遭兵燹蕩然無存明嘉靖二十六年道士王昭建一

在縣西北二十五里

張感郎廟在縣東桐江驛岸

蕭王廟在縣西三里爲縣治之虎

山故建廟以鎮之明弘治五年邑人王希哲重修

高明府君廟在縣南三里俗稱邏浦廟

華林廟在縣南七里

擎山廟在縣北十里金紫山下

柏浦廟在縣東南十里明天順

三年王叔愷等建

陳侯公廟在縣東南十五里

廉君廟在縣西南十五里

潘尙

書廟在縣西南十五里

阜大郎廟在縣西北十五里其神莫詳爲何人水旱有禱輒應

李明府顧少府廟在縣西北十五里

西村廟在縣西北二十里白水湖旁

嘉應侯廟

在縣東南二十五里晦岡

蕭明王廟在縣西二十二里獨山之岡

郭侯王廟在縣東

南二十五里地名舒灣

乳泉龍王廟在縣東南二十五里珠山之側

長岡廟在縣西

北二十五里

西廟在縣西北二十五里

董司徒廟在縣西二十八里

嘉福明王

廟在縣東南三十八里地名前村

將軍廟在縣西北三十里

通明王廟在縣西北三

十里俗名鄉心土地廟

上村廟在縣西北三十里

桃花廟在縣西北三十三里

胡侍郎廟在縣西三十五里地名清渚

威福威聖王廟在縣東南三十五里

朱一郎

廟在縣東南三十五里

太平靈衛王廟在縣東南四十里地名黃山

靈祐廟在縣西

北四十里

郭侯公廟在縣西北四十里

馬嶺廟在縣西南四十里地名白雲源

靈水廟在縣西南四十里

烏石賢聖廟在縣東南四十五里

黃程廟在縣東南四十

五里深澳荻溪居民皆於此會社

虎善王廟在縣西北五十里相傳昔有人煉丹於此山

時里多虎患能驅伏之其人卒虎復作里人立廟祀之遂息

廣侯王廟在縣西北六十里

通靈廟在金村下與廟山相對

烏龍廟在縣西北四十五里

子陵祠在富春山下

桐君祠在桐君山頂

張昭烈真君行祠在縣西一里桐山頂宋紹熙中縣令程準因感夢

而立祠

鎮寧侯祠在縣北五里本廟在建德縣此行祠也

龍王祠在武牛山龍潭之

旁

劉真君祠在舊縣廟山之頂歲久傾圯明天順間屢顯靈應邑人羅廷玉捨地爲基鼎

新廟宇

高平王祠在縣東南十五里明弘治十三年建

何仙姑祠在縣東南二十五

里巖塢中

郭真君祠在縣西北二十五里環翠山巔

葛仙翁祠在縣西北三十里

元帝行祠在縣城東南三十五里許元山之頂

遂安縣

社稷壇在縣南半里明洪武十五年建

風雲雷雨山川壇在縣南半里明洪武二年建

邑厲壇在縣西半里明洪武六年建

里社壇明洪武八年制每里設壇一所今俱廢

鄉厲壇明洪武八年制每里設壇一所今俱廢

城隍廟在縣南城內明洪武四年知縣凌

暹建成化十一年知縣朱福重修

皇清康熙十一年重修

趙侯廟二一在縣東南三十步一在縣東南五里

東嶽廟在縣西

百步宋祥符間建

皇清順治十五年邑民洪大道姚思稷等重建

五通廟在縣東一里不知何代興建明隆慶間

重新之

蕭王廟在縣北二十步

三聖廟在縣南二十步

翊應侯廟在縣西四十

里地名三渡

英濟侯廟三一在歙嶺一在佛嶺一在柏嶺

詹氏二老祠在縣北三十

里

壽昌縣

社稷壇在縣西花園明洪武八年建

風雲雷雨山川壇在縣前溪南山上明洪武二年建

邑厲壇在縣北萬松山陰明洪武六年建

里社壇在各鄉共三十六處

鄉厲壇在各

鄉共三十六處

城隍廟在縣治南明洪武三年知縣胡濬重建

蒼山廟在縣東港口

姚村廟在縣東二都相傳方臘犯村一兒方弱冠持杖與之鬪賊見甲士無數擁其後風沙亂

起林木振動駭而走追逐出境回顧其母遂爲賊所害而村賴以全鄉人立廟號顧母大王因

而著靈

靈應廟在縣東南二都翠溪乃白山廟之分祠也

匹布夫人廟在縣東南白

艾村相傳唐末巢賊據縣治官軍討之陽溪水漲不得渡忽見一女子滌布於水以布擲之化爲長橋士卒履之而過遂破賊以事聞於朝封匹布夫人列於祀典今鄉民以祈蠶穀 白

山廟在縣南玉華山下

湖心廟在縣西湖中四旁皆水中有石突起築基其上今廢

會通廟在縣西會通橋上

平水廟在縣西航頭昔人立之以奉大禹

大同廟在縣西

大都

巴城隍廟在縣西大都

富塘廟在縣西七都莫詳興建年代

鳳山廟在

縣西八都鳳山

靈貺廟在縣西九都舊名旺山大王廟

鵝籠主簿廟在縣西鵝籠山

下坑口

功曹廟在縣西北十都莫詳興建年代

蔡郎廟在縣西北十一都

密山

廟在縣北十二都莫詳爲何神

烏龍廟在縣北十二都東阡建德烏龍山之分祠也

巖山廟在縣北十三都巖山之頂有石回抱如負辰狀廟居其中

文昌祠舊在縣學櫺星

門內東偏

東嶽行祠在縣東青龍山上宋大中祥符九年真宗封禪泰山勅天下皆立行

祠 過浴洞仙祠在縣東一都山有洞名仙室

徐偃王行祠在縣東嶺本廟在衢州之

靈山唐宋累封至蓋天慈仁聖德英烈王

梓潼帝君祠在縣西巖山上

分水縣

社稷壇在縣西郊外一里

風雲雷雨山川壇在縣南去臧家巷半里

邑厲壇在縣宣

化巷北

城隍廟在縣治西北明洪武三年知縣余德賢建

關王廟在縣東塔山岡上

明隆慶五年知縣侯汝白建

紫龍王廟在縣西南十五里

靈佑廟在縣西二里卽洪

仁廣信王也

麻姑廟在縣西北四十里生仙鄉

靈應廟在縣南四里湧泉巖下

三皇廟在縣東元至正十三年建

五顯廟在縣北明洪武三年知縣余德賢卽舊基重建

永樂十二年縣丞張暹重修

唐令公廟在縣南四里湧泉巖之麓其神爲邑令有惠政民

祠之旱禱必應

靈休廟在縣東十五里洛口有墓存焉神姓張宋政和三年賜今額

元帝廟在縣西南四十里生仙鄉正統三年知縣陳真建尋廢萬曆三年邑人張珍等重建於

紫金巖

英烈王廟在縣西南四十里歌舞嶺相傳謂子胥避難至此喜而歌舞因以名嶺

東嶽廟在縣北甘泉寺東玉華山外宋建炎間縣令申建靈貺響答元至正癸酉燬於兵火三

年邑人吳伯可建尋遭兵燹明宣德七年縣丞李德固仍舊基重建嘉靖乙丑知縣徐鏗修萬

曆五年火燬知縣方夢龍重建

葛仙翁廟在縣東北四十里招賢鄉橫塘

馮公廟在

縣西八里

豪山廟在縣西三十里

沙坑廟在縣東三里

岳王廟在縣西十里

何王廟在縣東十里

三元廟在縣東三里

五公廟在縣南佛硃山

忠義廟在白

沙嶺爲里關二帥立

廣德廟在塔嶺方十府君建

梁明府君廟在縣東十里

青

樹府君廟在縣東一里慶雲巷內

宣仁府君廟在縣東宣化巷內

唐府君廟在縣南

三里今移於楊青陳家門首

三將軍廟在縣西陳家巷內舊爲縣尉衙土地遺而民祀之

金相公廟在縣東十里

陳元帥廟在縣西塢內

石孔神廟在縣東一里神號輔元靈

佑府君

青山神廟在縣西號青山輔正孚惠府君萬曆四十一年重建神堂之前開池架

橋于上里人繆汪等二姓爲首迄今籤筊甚驗人多求之

火神廟在縣西二里龍川坊扁

曰鎮龍旱禱必應

梧桐廟在縣西一里神號昭陽明德府君其神簽筊靈驗本邑鄰縣爭

趨卜焉

謝真人廟在縣東三里龍塘潭明嘉靖間知縣俞慶雲建名其亭曰鎮龍神杭人

也明初修煉於於潛天師宮後爲神鄉人祀之旱禱輒應天順間知縣樂武迎像於慶雲寺禱

之 白水龍王廟在縣東十五里 張王廟在縣東十里洛口 廣信王廟在縣西十

里柳山又名柳侯廟 慈山行祠在縣南二百步原上有周王廟今廢遷徙玉華山之陽

廣惠行祠在縣東瑞雲山巔

寺觀附

本府 建德縣附郭

報恩寺在縣橋下宋慶曆中郡人沈文慶建明嘉靖十五年爲嚴陵祠仍於山門葺小室以識

古刹焉 資福寺在縣西二里武定門外宋慶曆中僧誠祖開山治平二年賜今額藏太宗

御書元末燬于兵明洪武十年僧純廣卽舊基重建景泰間僧道存葺知府張永賦詩以識之

嘉靖三十七年督學范惟一檄知府韓叔陽於寺左建三先生祠都綱正誥海日建本寺正殿

最爲附郭之奇觀也寺左山巔有竹閣 永泰寺在興仁門外舊爲靈山寺在芝川鄉唐光

化中遷此宋政和二年賜名永泰院尋犯哲宗陵改保慈院元至元中復今名明洪武六年僧

景榮重建 天寧禪寺在縣南五里南山上宋慶曆中僧道明開山名廣靈寺崇寧中改萬

壽禪寺政和元年改天寧紹興七年改報恩廣孝禪寺明洪武己酉僧志滿重建復名天寧嘉靖間郡人建塔其上爲巽峯焉 九峯寺舊在縣西北五里裴郭塢宋寶元二年建知州趙

抃有詩明嘉靖間廢舊址爲有力者所得寺僧道源尋復建風礪橋萬曆三十六年僧德欽力復古址鼎建殿宇煥然一新 靈石寺在縣東十五里守祿村舊名靈石院一名烏石寺五

代朱梁時長守禪師開山宋建中靖國元年知州馬玆改今名 普濟寺在縣西南十五里

宋建炎間邑民請桐廬廢額建之淳祐間僧日照修 仁王教寺在縣翁村支遁禪師開山

宋嘉定間僧誠禪師重建 雲岫寺在縣西南二十里唐靈惠禪師開山宋宣和中燬于亂

元至正間建明天順間僧法展修 興福寺在縣東二十五里巖山舊名巖山寺唐會昌中

廢宋乾道中吳越錢氏重建政和五年僧靈皎修江公望記 悟真寺在縣東南杜塘唐廣

明中僧道密開山元大德間僧維林重建 龍門寺在縣東北三十里胥口宋開寶中僧道

預開山明洪武庚戌僧宇真重建 崇勝教寺在縣西三十里唐村舊名龍山白佛院宋大

中祥符八年賜名崇勝院時有僧義澄號長坐不睡長老真宗嘗賜御札詩舊有真宗仁宗皇

太后太妃賜義澄劄子御書後燬于火明萬曆三十九年僧性理重建改號龍門禪院 普

光寺在縣西朱池唐貞觀間僧德威開山宋易壽聖三學明洪武十九年僧光顯重建 極

證寺在府西二十里盤常宋元豐中僧文友開山元至大二年僧道隆重建 依圓寺在府

西北四十里石樓唐末僧可則開山元至元庚辰僧仲可重建徐師元記 普證寺在府東

四十里宋嘉熙間僧維政建元至元二十二年僧妙善新之明宣德十年僧志滿重建 資

壽教寺在府南四十五里石塘源五代漢乾祐二年僧普照開山相傳普照于此拾得泥佛因

建庵宋淳祐五年僧可淳重建明景泰二年重葺 鳳山寺在府北四十五里莆田村舊名

鳳山院宋雍熙中僧咸秀自西湖能仁來主法席繼徒益盛元延祐六年僧懷貴與其徒重建

山門法堂應真閣釋大訢爲記 法華寺在縣南六十里元至元二十四年僧法源開山戊

戌燬于火僧法俊重建 福寧寺原在馬目山前因燬于火明嘉靖四十年里人王本龍同

僧文憲改建于大洋裏 天寧寺在縣南二十五里竺源舊名大寧院年久寺廢明萬曆四

十年僧時序復建 尊宿庵在城外西北一里相傳爲唐僧陳尊宿所創宋紹興間僧守越

嗣建明洪武二十年僧純廣重建嘉靖三十七年僧延洪都綱延志重建殿宇萬曆三十九年住僧智通復造山門改修正殿兩廊知府呂公昌期題額曰如來真境 萬壽禪庵在天靈

寺山麓明萬曆二十六年僧超廣建修撰朱之蕃過此題曰入三摩地編修湯賓尹過此題曰精修六行郡人蔡良士有記 茶亭庵在烏龍嶺上明隆慶四年有僧真禪鼎建日夜煎茶

以給往來行人賴之 大塢禪庵卽古澄溪院在城北三里年久寺廢明萬曆三十八年有

僧祖性齋首傳大恆等建 萬貫庵在城北三里宋康定中建時時嗣有修理迨明萬曆二

十三年僧人重行改建三十四年知府毛志尹復建官廳于左 玉泉庵在城北七里烏龍

山麓宋時有陳學古隸書玉泉庵三字庵西有泉如噴玉右建亭其上紹興八年移亭建性樂

堂江公望識庵之上有石佛歲久漸長殆所謂息石也明嘉靖癸未知府張元雷遊此有詩萬

曆二十三年邑人蔡良士于石佛之左建一靜室修憩于上僧人遂大改建三十五年知府毛

志尹卽山泉之上建官廳三間題曰源頭活水 禪和庵在府西三十里元大德間僧自盲

建 永安庵在府東四十五里明正統元年僧德華建 雲岫庵在府東四十里元大德